



Wënd yeelame: Ned ning sën wa n maana Mam noang beem, ad M vënega a soab ne zabre, la Mam yamba ka yi sën na n pëneg Maam ne bũmbu, ti noom Maam n yuud Mam sën maan faril ning n rogl-a wã ye

Yii a Abu Hurayra nengë, (Wënd yard be a yĩnga), a yeelame: Wënd Tën-tuumã yeelame (Wënd puusg la A tulgr be a yĩnga): «Wënd yeelame: Ned ning sën wa n maana Mam noang beem, ad M vënega a soab ne zabre, la Mam yamba ka yi sën na n pëneg Maam ne bũmbu, ti noom Maam n yuud Mam sën maan faril ning n rogl-a wã ye, la Mam yambã ka bake n pënegd Maam ne naafil-rãmba, halı ti M bu a nonglem, M sã n bu a nonglem, M lebgda a wumb ningã a sën wumdã, la a nifr ning a sën getã, la a nug ning a sën yõkdã, la a naoor ning a sën kënd ne wã. A sã n kos Maam, M na kõ-a, la a sã n kos Maam gũudum, M na maan-a gũudum».

[Naşun Şahuhun (Gom-sikdem sën manege)] [A Al-Buħaariy n togs-a]

Nabiyaamã (Wënd puusg la A tulgr be a yĩnga) kõo kibare, Al-hadiis Al-kudsiy pugë, ti Wënde (A Naam zëk yã) A yeelame: ned ning sën namsa noang sën be Mam nong-n-taasã pugë, n maan t'a sũur yiki, maa a kisg-a, rënd Mam vënega beem ne yãwã soabã. La waliy (Wënd nong-n-taaga): yë la sid-kõt sën yaa Wën-zoetã, la yamb sën tar sid-kũunã la Wën-zoεεgã tēka la yë me puurã zemsid waliimdã wεεngë, la İslaam ka pënegd a Soabã ne bũmb ti noom-A n yuud A sën maan ti yaa faril n rogl-a wã ye, sën yaa tũudmã maaneg la haraam-rãmbã basgo, la İslaam ka bak n pënegd a Soabã, ne naaflrãmba, n lagem ne faril-rãmba, halı t'a wa tug n paam Wënd nonglem, rënd Wënd sã n yi a nonglem, Wënd na n rem-sa lame la A sōng-a, a yĩn-wil a naasã pugë: A remsd-a-la a wumbë wã, t'a ka wumde rēnda bũmb ning sën yard Wēnde. La A remsd-a a ninë, t'a ka get rēnda sën tug bũmb ning Wēnd sën nong ti b gese, la A yardë wã. la A rems-a a nugë wã, a ka tumd ne a nugã, rēnda bũmb ning sën yard Wēnde. La a rem-s-a a naoorë, t'a ka kënde, rēndame ti yaa sën na n tug bũmb ning sën yard Wēnde, la a ka maand tuumde, rēnda sōma sën beë la a kënda. Sën lagem ne wã fãa, a sã n kos Wēnd bũmbu, Wēnd kõt-a-la a sën kosã, rēnd nedã yita b sën reegd a soab kosgo, a sã n kos gũudum ne Wēnde, n dell Wēnde, n bao gũudum ne-A, ad Wēnde, (A Naam ylgame), A reegda a kosgã la A gũ-a n yi bũmb ninga a sën yeεsd-a.

النجاة الخيرية
ALNAJAT CHARITY

